

ՄԻՋՆԱԴԱՐՑԱՆ ԱՂԱՅՈՒՐՆԵՐԸ ԹՈՐԳՈՄԻ, ԹՈՐԳՈՄԱՆՑ, ԹՈՐԳՈՄԱՆՑ
ՏԱՆ՝ ՄԱՍԻՆ

Գ. Ա. ԶԱՆՈՅԱՆ

Հայկական, վրացական պատմագրության մեջ կան մի շարք վկայություններ Թորգոմի, Թորգոմանց և Թորգոմանց տան մասին: Այդ վկայություններն փրկենց իմաստով և բովանդակությամբ հանգում են միևնույն մտքին՝ Թորգոմը հայերի, աղվանների, վրացիների նախահայրն է: Թորգոմի զավակներն են Հայկը, Քարթլոսը, Աղվանոսը, ինչպես նաև կովկասյան մյուս ժողովուրդների նահապետները:

Ագաթանգեղոսը իր «Պատմություն Հայոց» գրքի առաջաբանում, խոսելով Գրիգոր Լուսավորչի գործունեության մասին, գրում է. «Կարդալով Ավետարանի աստվածապարզ և ավետիսները և կենաց խոսքի մեր Թորգոմյան ազգին և մեր Հայաստան աշխարհում քարոզելու (գրվածքը), թե ինչպես կամ ինչպիսի մարդու կողմից այն կամ ո՞վ էր նա, որ այս նորոգատու առաքելական շնորհները փր վրա վերցնելով երևան եկավ այսպիսի աստվածեղեն շնորհքով, կպատմենք նրա լուսավոր վարդապետության և հրեշտակերուն առաքինի վարք ու բարքի, ազնվական համբերության մասին այն շնորհալի մեծագոր նահապետի, որը Քրիստոսի խոստովանողը եղավ և ճշմարտության վկան¹: Այնուհետև՝ «...Արարատյան նահանգում, թագավորանիստ կայսրնում Հայոց Թորգոմյան տանը բխեցին Աստծո պատվիրանների Ավետարանի քարոզության շնորհները²: Ապա՝ «Արանք են Հայաստան աշխարհի, Թորգոմի տան ընտիր իշխանները, կուսակալները, կողմնակալները, հազարապետները, բյուրավորները, որոնց հավաքեց Տրդատ Թագավորը և ուղարկեց Կապուտկացոց կողմերը...»³:

Ինչպես տեսնում ենք, Ագաթանգեղոսը Հայաստան աշխարհը նույնացնում է Թորգոմանց տան հետ:

Փավստոս Բուզանդը իր «Հայոց պատմության» «Նախագիտելիք» հատվածում մեկնաբանելով հորոորդ դպրության բովանդակությունը, գրում է. «Պատմությունների այս հորոորդ դպրությունը պարունակում է պատմական գրվածքների գլուխներ, և նրան կից կան ուրիշ երեք դպրություն, այսինքն, սրանք չորսն էլ մատյան են և չորսն էլ նույն անցքերի հիշատակարաններ, որոնք հիշեցնում են Հայաստան աշխարհի Թորգոմի որդոց պատմությունը⁴: Մեկ այլ տեղում («Պատմություն քսան և մի գլուխների») նա գրում է. «Ինչ որ Թորգոմի որդոց Հայաստան աշխարհում տեղի ունեցավ Թադևոս առաքյալի քարոզությունից հետո»⁵:

Փ. Բուզանդը «Պատմության» հինգերորդ դպրության գլուխները վերնագրում է. «Թորգոմի որդոց տան՝ Հայոց աշխարհի պատմության դրուխներ»⁶: Ուրեմն, Բուզանդը ևս Թորգոմի որդիների երկիրը նույնացնում է Հայաստան աշխարհի հետ:

1 Ագաթանգեղոս, Պատմություն Հայոց, Երևան, 1977, § 116: Այդ և հետագա բնագծումները մերն են:

2 Նույն տեղում, § 776:

3 Նույն տեղում, § 796:

4 Փավստոս Բուզանդ, Հայոց պատմություն, Երևան, 1987, էջ 7:

5 Նույն տեղում, էջ 235:

6 Նույն տեղում, էջ 285:

Մովսես Խորենացին, խոսելով Հաբեթի որդիների ծննդաբանության մասին, գրում է. «Հաբեթ ծնում է Գոմերին, Գոմեր ծնում է Թիրասին, Թիրաս ծնում է Թորգոմին, Թորգոմ ծնում է Հայկին»⁷։ Այսինքն, Հայկը Հաբեթի ժառանգներից է և Թորգոմի որդին։

Խորենացին պատմում է, որ Հայկը իր շինած առաջին բնակավայրը տալիս է իր թոռ Կաղանկսին, «իսկ ինքը, ասում է (Մար Աբասը), իր մնացած մարդկանցով ու տունտանդով շարժվում է դեպի հյուսիս-արևմուտք և գալիս է բնակվում մի բարձրավանդակ դաշտում, և այս ընդհանրապես անունը կոչում է Հարթ, այսինքն, այստեղ բնակվողները հայեր են Թորգոմի տան սերունդի»⁸։

Այս վկայություններով Մ. Խորենացին ցույց է տալիս, որ ինքը, իբր հետևիչա՞ծ մարդիկ և իրենց ժառանգները Թորգոմի տան սերունդներն են։

Պատմիչ Մովսես Կաղանկատվացին «Պատմություն Աղվանից աշխարհի» գրքում հինգ անգամ անդրադառնում է Թորգոմին։ ԺՆ գլխում նա տալիս է Հաբեթի որդիների ծննդաբանությունը. «Հաբեթ, Գոմեր, Թիրաս, Թորգոմ, Հայկ»⁹։ Հետևաբար, Թորգոմը հայ ժողովրդի նախահայրն է։

Խոսելով Գրիգոր Լուսավորչի մասին, Կաղանկատվացին գրում է. «Սրան ընտրեց Աստված իր մոտ որովայնից և արգանդում իբրև հաղթող առաջամարտիկի առաքյալ և արժանավոր քահանայապետ հանձնեց Թորգոմյան երկրին, Ասքանազի սերունդին»¹⁰։

Աշոտ Բագրատունու գահ բարձրանալու առնչությամբ Կաղանկատվացին գրում է. «Այս նույն ժամանակներում՝ 336(887) թ., հաջողվեց Աշոտ Բագրատունուն Հայաստանում բարձրացնել իր թագավորական գահը, երբ երկար ժամանակ թագավորությունը վերացված էր Թորգոմյան տանից (Հայաստանից)»¹¹։ Խոսելով Սմբատ Բագրատունի թագավորի՝ արաբական իշխանի կողմից սպանվելու մասին, պատմիչը գրում է. «Բայց այդ բոլորը սկիզբն երկանցն էր այն տաճնապի, որ պատահեց Հայաստանին...։ Ապա աղետավոր ձայն հնչեց Թորգոմյան տանը, և ընդհանրապես ավերածություն հասավ Հայաստանին»¹²։

Մովսես Կաղանկատվացու այս վկայությունները ևս հաստատում են, որ Թորգոմյան տուն, Թորգոմաց աշխարհ՝ ասելով հասկացել են Հայաստան աշխարհը։

Վրաց պատմագրության մեջ ավելի ընդարձակ տեղեկություններ կան Թորգոմի մասին։ Վրաց պատմիչները Թորգոմին համարել են հայերի, վրացիների և աղվանների ու կովկասյան մյուս ժողովուրդների նախահայրը։ Դավադուլնա երևում է Լեոնտիոս Ռուսեցցու (XI դ.) հետևյալ տողերից. «Արանից հետո Քեկապու պարսից թագավորն ուղարկեց Փարշորոտ կոչեցյալ իր որդուն՝ հայոց և վրաց և բոլոր Թորգոմյաններին ընդդեմ։ Իսկ Թորգոմյանները բոլորը ժողովեցան և դիմեցին Ատրպատական»¹³։ «Հայոց և վրաց, ռանաց (աղվանների) և մովկաց, հիրաց և լեզգիների, յեգերաց և կովկասաց սոցա բոլորի հայրը մի էր՝ Թորգոմ։ Թորգոմի որդվոց մեջ ութը հայտնի դարձան (իբրև)՝ քաջ ու անվանի հսկաներ, որոնց անուններն են՝ 1. Հայկ, 2. Քարթլոս, 3. Բարգոս, 4. Մովական, 5. Լեկոս, 6. Հերոս, 7. Կավկաս, 8. Եզրոս»¹⁴։ Լ. Ռուսեցցին գրում է նաև Թորգոմի տիրապետության սահ-

⁷ Մովսես Խորենացի, Հայոց պատմություն, Երևան, 1981, գիրք Ա, գլուխ ԺԵ։

⁸ Նույն տեղում, գիրք Ա, գլուխ Ժ։

⁹ Մովսես Կաղանկատվացի, Պատմություն Աղվանից աշխարհի, Երևան, 1959, գիրք Ա, գլուխ ԺԵ։

¹⁰ Նույն տեղում, գլուխ ԺԴ։

¹¹ Նույն տեղում, գիրք Բ, գլուխ ԻԱ։

¹² Նույն տեղում։

¹³ Մելիք-Քանթ-Քանկ, Վրաց աղբյուրները Հայաստանի և հայերի մասին, հ. Ա, Երևան, 1934, էջ 148—149։

¹⁴ Նույն տեղում, էջ 143։

մանների մասին: Ըստ նրա, Թորգոմի տիրույթները տարածվել են Կասպից ծովից մինչև Միջերկրական ծովը, հարավում՝ Որբեթ լեռից մինչև Կովկասյան լեռները և Սև ծովը: «Նրա երկրի սահմանները այս են. արևելքից՝ ծովն Գուրգանի, արևմուտքից ծովն Պոնտոսի, հարավից՝ լյառն Որբեթի և հյուսիսից՝ լյառն Կովկասու»¹⁵:

Բացի հայկական, աղվանական, վրացական աղբյուրներից, Թորգոմի և նրա ժառանգների մասին վկայություն կա նաև հին հրեական աղբյուրներում: Հովսեփոս Փլավիոսը իր «Հրեական հնախոսություն» գրքում գրում է. «Թյուզրամեսը հաստատեց խյուզրամյաններին, որոնց հելլենները ճիշտ համարեցին փոյուզներ անվանել: Իսկ Յավեթի որդի Յավանոսը ևս երեք գավառներ հաստատեց Հայկնասը իր անունը տվեց հալիսեսցիներին, որոնց վրա ինքն իշխել էր, և որոնք էլ այժմ էսլյաններն են»¹⁶: Այս կապակցությամբ գրքի թարգմանիչ, պատմաբան Ս. Կրկյաշարյանը № 127 ժանրթագրության մեջ գրում է. «Թյուզրամեսը նույնական է Աստվածաշնչի Թոգարմա (Թորգոմ) անվան հետ, իսկ Թոգարման (սեպ. Թիլ-Գարիմու) երկիրը ավանդաբար նույնացվում է Հայաստանի հետ»¹⁷:

2. Փլավիոսի վկայությունը հաստատվում է Լ. Ռուֆսեցու աշխատությամբ, ուր նա գրում է. «Եվ ժողովուրդը մեծ էր և անհամար, քանի որ էին բաղում կանաչ, ուստերք և դստերք, որդիք և թոռներ ուստերաց և դստերաց նորա, և քանի որ նա (Թորգոմն) ապրեց վեց հարյուր տարի: Բայց Թորգոմի որդից մեջ ութը հայտնի դարձան իբրև քաջաբի և անվանի հսկաներ»¹⁸: Ապա թվում է մեզ հայտնի անունները: Այս տողերից պարզ երևում է, որ Թորգոմը ունեցել է էլի որդիներ, որոնց անունները մեզ չեն հասել, հետևապես միանգամայն ճիշտ պետք է համարել 2. Փլավիոսի վկայությունը, որ փոյուզացիները նույնպես Թորգոմի ժառանգներն են եղել: Կարելի է հավանական համարել նաև, որ Փոքր Ասիայի արևմտյան մասերում նույնպես բնակվում են Թորգոմից սերող ժողովուրդներ: Այս կապակցությամբ շատ կարևոր է գերմանացի լեզվաբան Հայնրիխ Շտայնի կարծիքը. որը Հերոդոտի պատմության թարգմանիչն է. «Բոլոր հանգամանքները խոսում են ուղղակի այն մասին, որ հայերեն լեզուն պատկանում է հնդեվրոպական լեզվաընտանիքին, ներկայացնելով նրա արևելյան ճյուղը: Դեռ (արդեն) Գենեզիսում Ասքանազը և Թորգոմը, այսինքն, փոյուզացիները և հայերը, գիտվում են որպես եղբայրներ»¹⁹:

Հունական պատմագրության մեջ Թորգոմի մասին վկայություն կա Եվսեբոս Կեսարացու մոտ: Նա իր «Ժամանակականք» աշխատության մեջ գրում է. «Թորգոմ եւ ի նմանէ Հայկ»²⁰:

Առաջին հայացքից Թորգոմի ընդարձակ տիրություններն ու սահմանները անհավանական են թվում: Բայց փաստերը հաստատում են այդ: Վրացիները, աղվանները ի սկզբանե բնակվել են Կովկասում, հայերը՝ Հայկական լեռնաշխարհում, նաև հայտնի է, որ փոյուզացիները բնակվել են Փոքր Ասիայի հյուսիս-արևմտյան մասում: Ինչպես ասվեց, ըստ Հովսեփոս Փլավիոսի, փոյուզացիների նախահայրը եղել է Թորգոմը²¹: Այսպիսով, Կասպից ծովից մինչև Միջերկրական ծովը ընկած տարածքում բնակված ժողովուրդները՝ հայերը, վրացիները, փոյուզացիները իրենց նախահայրերն են համարել Թորգոմին:

¹⁵ Նույն տեղում, էջ 144:

¹⁶ 2. Փլավիոս, Դիոն Կասիոս, Երևան, 1978, էջ 56:

¹⁷ Նույն տեղում, էջ 102:

¹⁸ Մեղիթսեթ-Բեկ, նշվ. աշխ., էջ 144:

¹⁹ Herodot, Berlin. 1861. S. 76—77.

²⁰ Ժամանակականք երկնայինայ, Եւսեբի Պամփիլեայ Կեսարացու, հ. Բ, Վենետիկ, 1818, էջ 12:

²¹ 2. Փլավիոս, նշվ. աշխ., էջ 56:

Այս բոլոր աղբյուրներն ուսումնասիրելով, Ղ. Ալիշանը համոզվել է. դրանց ճշմարտության մեջ. «Հայաստանի երեք կողմերու՝ հիւսիսոյ, արեւելից՝ շատ ազգերն, ինչուան ու որ հին պատմութեան ծանօթութիւն հասնի, զիրենք կ'ստատովանին սերունդք Թորգոմալ...»²²։ Անշուշտ, դրանք Թորգոմի ժամանակ եղել են նրա տիրապետության տակ։ Սա էլ հաստատում է Ղ. Ռուկ-սեցու, վկայութիւնը Թորգոմի տերութեան սահմանների մասին։

Վերը բերված աղբյուրները Թորգոմին համարել են հայերի, վրացիների, աղվանների, կովկասյան մյուս ժողովուրդների, ինչպես և փոյուզացիների նախահայրը։ Բայց այս տեղեկութիւնները որոշ պատմաբաններ չեն ընդունել իբրեւ հավաստի պատմական վկայութիւններ և փնչպես Թորգոմին, այնպես էլ նրա ժառանգներին՝ Հայկին, Քարթլոսին, Աղվանոսին և մյուսներին համարել են առասպելական անձնավորութիւններ, իսկ գործունեութիւնը՝ առասպել։ Մինչդեռ խեթական և ասսուրական արձանագրութիւնները վկայում են, որ խեթական և ասսուրական թագավորները պատերազմել են Թորգոմայի հետ և գրավել։ Ջանազան առիթներով կրկին անդրադառնալով Թորգոմային, այդ աղբյուրները լիովին հաստատում են Թորգոմայի՝ Թորգոմյան տան պատմական իրողութիւն լինելու հանգամանքը։

Թորգոմայի մասին պատմության մեջ ամենահին տեղեկութիւնները գտնուում են խեթական աղբյուրներում։ Խատտիի թագավոր Սուպպիլուլումայի (մ. թ. ա. 1395—1355) և Միտանիի թագավոր Մասիոսսուզայի միջև կնքված պայմանագրում Սուպպիլուլուման ասում է. «Խատտու երկրի արքայի հոր (խատտուլի Բ) ժամանակ իշուվա երկիրն ապստամբեց։ Խատտու երկրի մարդիկ քաշվեցին երկիրը։ Գուրտալիշշայի մարդիկ, Առավաննուի մարդիկ, Ջազշա երկիրը, Կալամշմա երկիրը, Կառնա լեռներէկիրը, Տումիտայի մարդիկ, Աշխա երկիրը, Խուրմա երկիրը, Խառնա լեռներէկիրը, Տեգարամայի երկրի կեսը, Տիպուրդիայի մարդիկ, Խազգաի մարդիկ և Արմատանա երկրի մարդիկ ապստամբեցին իմ հոր ժամանակ»²³։ Ինքը՝ Սուպպիլուլուման, իր բանակներով հարձակվում է ապստամբած երկրների վրա, հաղթում նրանց ու հնազանդեցնում։ «Այն մարդիկ ու երկրները, որոնք փմ հոր ժամանակ գնացել էին իշուվա երկիրը, Գուրտալիշշայի մարդիկ, Առավաննուի մարդիկ, Ջազգիշուի երկիրը, Տեգարամայի երկիրը, Կառնա լեռները, Տարմիտաի մարդիկ, Ալխա երկիրը, Խուրմա երկիրը, Խառնա լեռներէկիրը, Տեգարամա երկրի կեսը, Տեպուրդիայի մարդիկ, Արմատանի մարդիկ, այս մարդիկ և այն երկրները, նրանց տներն եղա ես, ես բերի նրանց Խատտի երկրին»²⁴։

Խատտի թագավոր Մուրսիլի II-ը (մ. թ. ա. 1353—1325) իր տարեգրութեան իններորդ տարում կատարած գոյծերի մասին գրում է. «...Կարգամիա քաղաք-երկրի գործերը կաշգավորելուց հետո, Կարգամիսից դեպի վերև, Թեգարամա-երկիրը ճամփա ընկա։ Երբ Թեգարամա հասա, այնտեղ զորահրամանատար Նուվանցան և զորավարները Թեգարամա քաղաքում ընդառաջ եկան, որտեղ իրար հանդիպեցին»²⁵։

Սուպպիլուլուման իր տարեգրութեան մեջ պատմում է, որ Մուրսիլի II-ը իր դեմ ապստամբած խուրդիների վրա արշավելու ժամանակ զենում է Թեգարամա, նրա տարածքում զորատես է կատարում և ապա իր որդի Արնուվանդային ուղարկում է Խուրդի երկրի վրա՝ նրանց հնազանդեցնելու համար»²⁶։

²² Ղ. Ալիշան, Հայաստան առաջ քան զլինելն Հայաստան, Վենետիկ, 1904, էջ 115։

²³ Ա. Խաչատրյան, Հայաստանի սեպագրական շրջանի քննական պատմություն, Երևան, 1939, էջ 473։

²⁴ Նույն տեղում, էջ 474։

²⁵ Ն. Մարտիրոսյան, Խարբերդի շրջանները՝ Հայոց հնագույն օրրանը, Խարբերդ և իր սակեղեն դաշտը, Հուլամատյան, Երևան, 1957, էջ 21—27։

²⁶ Տե՛ս В. Н. Хачатрян, Восточные провинции хеттской империи, Ереван, 1971, с. 95։

Բացի վերը բերված փաստերից, խեթական աղբյուրներում կան այլ վկայություններ ես Թոգարմայի և նրա հարավ-արևելյան հարևան Իշուվա երկրի միջև տեղի ունեցած ընդհարումների մասին²⁷։ խեթական աղբյուրներից բերված այս վկայությունները ցույց են տալիս, որ գոյություն է ունեցել Թոգարմա քաղաք-երկիրը, որը ապստամբել է խեթական թագավորների դեմ, այնուհետև նրանց կողմից հնազանդեցվել, ու խեթական երկու թագավորներն իրենց զորքերով գնացել են այնտեղ, զորատես կատարել։

Թոգարմա երկրի մասին վկայություններ գտնում ենք նաև ասսուրական աղբյուրներում։ Ասորեստանի թագավոր Սարգոն II-ը (մ. թ. ա. 722—705) Դոկր Շառուկիյի պալատի դռան արձանագրության մեջ գրում է, որ իր թագավորության տասներորդ տարում Միլիտայի թագավոր Թարխունագին և Կամախի թագավորը ապստամբում են իր դեմ, փնջը բանակով գնում է, գրավում այդ երկրները, կողոպտում և գերեվարում բնակչությանը։ Միլիտայի թագավոր Թարխունագին իր կյանքը փրկելու համար փախչում է Թիլ-Կարիմու։ Սարգոն II-ը բանակով գնում, գրավում է այդ քաղաքը, Թարխունագին և նրա գլխավորներին շղթայում, իսկ նրա ընտանիքն ու քաղաքի բնակչությունը գերեվարում։ Ուրեմն, դեռևս մ. թ. ա. 712 թ. Սարգոն II-ի ժամանակ Մեկիտիեից ոչ հեռու գոյություն ունեի Թոգարմա քաղաք-երկիրը²⁸։

Սարգոն II-ի կողմից Թոգարման ավերվելուց շատ ժամանակ չանցած, այդ քաղաք-պետությունը վերականգնվում է և իր մեջ ուժ է գտնում Սարգոն II-ի որդի Սեննիսերիթ թագավորի (մ. թ. ա. 705—681) դեմ կրկին ապստամբելու։ Սեննիսերիթն իր թողած արձանագրության մեջ հաղորդում է, որ Թիլ-Գարիմը ապստամբում է իր դեմ։ Ինքը բանակով գնում է Թիլ-Գարիմ, գրավում է, գլխավորն ավերում այն, փակ բնակչությունը բնակեցնում երկրի տարբեր կողմերում, որպեսզի Թիլ-Գարիմի անունը իսպառ ջնջվի երկրի երեսից²⁹։

Ասսուրական արձանագրությունները հաստատում են խեթական աղբյուրներում նշված Թոգարմա քաղաք-երկրի լինելության փաստը և ցույց են տալիս, որ այն կործանվել է մ. թ. ա. VI դ. սկզբին, նրա բնակչությունը տեղափոխվել է երկրի տարբեր մասերում բնակեցվելու համար։ Սակայն Թոգարմայի անունը չանհետացավ երկրի երեսից։ Միլիտայի թագավորությունը ոչ միայն գոյություն ունի, այլև բավականին հզորացել էր։ Ընդ որում, շատ հավանական է, որ Միլիտայում իշխող նոր դինաստիան ծագում էր Թոգարմայից³⁰։

Նզեկիելը (մ. թ. ա. VI դ.) հաղորդում է, որ Մարաստանի դեմ պատերազմում կիդիան ստեղծում է դաշնակցություն։ Նրան դաշնակից էին Նզիպ-տոսը, Գամիլը և Տուն-Դոգարման³¹։

Այսպիսով, մենք լիակատար փաստեր ունենք ասելու, որ Թոգարմա-Թիլ-Գարիմու պետությունը գոյություն է ունեցել սկսած ամենահին ժամանակներից մինչև մ. թ. ա. VI դ. սկիզբը։

Թոգարմա-Թիլ-Գարիմու քաղաք-երկրի մասին տեղեկություններ կան նաև Աստվածաշնչում։ Աստվածաշնչի Մենդոց գրքում ասված է. «Հաբեթի որդիք՝ Գոմեր, Մազոգ, Մադայ, Յավան, Թոբել, Մեսեթ, Թիրաս։ Գոմերի որդիք՝ Ասքանազ, Բափաթ և Թոգոմա»³²։ Ըստ այդ վկայության, Թոգ-

²⁷ Sht., օրինակ, Վ. Ի. Գլիզե և Լ. Ն. Մարտիկ, *Հայաստանի Սուրբ գրքի մեջ, Վիեննա, 1947*, էջ 212, В. Н. Хачатрян, *նշվ. աշխ.*, էջ 96։

²⁸ И. М. Дьяконов, *Ассирио-вавилонские источники по истории Урарту*, № 46 [(*այսուհետև՝ АВИИУ*): *Вестник древней истории*, 1952, № 2]; *և ուրի՝* Предыстория армянского народа, Ереван, 1968, с. 167—168.

²⁹ Նույն տեղում, էջ 159։

³⁰ Նույն տեղում, էջ 182։

³¹ И. М. Дьяконов, *նշվ. աշխ.*, էջ 179։

³² *Աստվածաշունչ, Լուդոս, 1960, Գիրք Մենդոց*։

գումը Հաբեթի թոռն է: Հաբեթի որդիների ծննդաբանությունը նույնությամբ կրկնվում է Աստվածաշնչի Մնացորդաց գրքի Ա գլխում: Եզեկիելի մարգարեության. «Ողբ Տյուրոսի վրա» հատվածում ասված է՝ «Յավանը, Թոբելը և Մեսեբը քո վաճառականներն էին. նրանք քեզ հետ մարդկանց հոգիների և պղնձի անոթների առևտուր էին անում: Թորգոմայի տաճից ձիեր ու ձիավորներ և ջորիներ էին բերում քեզ մոտ իբրև ապրանք»³³: Այս վկայությունից հետևում է, որ Թորգոմա տունը եղել է մի երկիր, որտեղից Միջերկրականի ափին գտնվող Տյուրոս առևտրական նավահանգստային քաղաքն են արտահանվել ձիեր ու ջորիներ:

Եզեկիելի մարգարեության մի այլ հատվածում կարդում ենք. «Գողգեհարձակվի Իսրայելի երկրի վրա և կշարդի... Եվ Տիրոջ խոսքը եղավ ինձ ասելով Որդի մարդո, երեսդ դեպի Դոգն արա, Մագդգի երկրում՝ դեպի Ռովսի, Մոսոյի և Թոբելի իշխանը և մարգարեացիր նորա վրա և ասիր. այսպես է ասում Տեր Եհովան: Եվ քեզ ետ պիտի դարձնեմ և կարթեր պիտի դնեմ քո կզակներին և քեզ պիտի հանեմ և քո բոլոր դորքը՝ ձիերն ու ձիավորները, բոլոր շքեղությունով հագված վահանավորների ասպարակիրների մեծ ժողովքը, որոնք ամենքն էլ սուր բռնողներ են: Պարսիկները, եթովպացիները, փուլագացիները նրանց հետ, ամենքն էլ ասպարակիր և սաղավարտավոր: Դոմերը և նրա բոլոր գնդերը՝ Թոգարմայի տունը, հյուսիսի ծայրից և նրա բոլոր գնդերի շատ ժողովուրդներ քեզ հետ»³⁴: Ուրեմն, Թորգոմա տուն երկիրը ունեցել է բազում գնդեր, որոնք ի վիճակի են եղել նվաճել Իսրայելի երկիրը:

Արդ, հաստատենք, որ խեթական աղբյուրներում հիշատակված Թեգարման, ասսուրական աղբյուրներում Թիլ-Գարիմուն, Աստվածաշնչի Թոգարմա տունը նույնն են, ինչ հայկական, վրացական, աղբյուրներում հիշատակված Թորգոմա տունը, և ցույց տանք այդ քաղաք-պետության աշխարհագրական տեղը Հայկական լեռնաշխարհում: Այս հարցերին հանգամանորեն անդրադարձել է Ի. Դյակոնովը³⁵: Այդ Թոգարման նա տեղադրում է Հայկական լեռնաշխարհում, այժմյան Թոխմախ-Սու գետի ստորին հոսանքում, այդ գետի՝ Նփրատի մեջ թափվելու վայրից փոքր-ինչ արևմուտք, որն ընկած է Մելիտիներից հյուսիս: Թոգարմայի տեղում այժմ Դյուրուն բնակավայրն է՝:

Ն. Հարությունյանը գտնում է, որ սեպագիր արձանագրություններում հիշատակված Թիլ-Գարիմուն-Թեգարման նույնն են, ինչ որ Աստվածաշնչի Թոգարման և համապատասխանում են Մովսես խորենացու Ազգ տաճն Թորգոմայի³⁷: Թոգարման նա տեղադրում է Մելիտայի հարևանությամբ Տաբալի տարածքում, որը նույն վայրն է, ինչ ցույց է տվել Դյակոնովը: Վ. Խաչատրյանը գրում է, որ Թեգարմա քաղաքը վաղուց նույնացված է ասսուրական աղբյուրների Թիլ-Գարիմուի և Աստվածաշնչի Թոգարմայի, իսկ հետագայում հայկական «Տանն Թորգոմյան» հասկացության հետ: Նա «Թոգարմա քաղաք» պետությունը տեղադրում է Իսովա երկրի, Խուրի երկրի, Կիցուվանայի և Սամուխա քաղաքի միջև³⁸, որը մոտավորապես նույն տեղն է, ինչ ցույց է տվել Դյակոնովը:

Այսպիսով, Ի. Դյակոնովի, Ն. Հարությունյանի և Վ. Խաչատրյանի կարծիքները համընկնում են՝ ասսուրական աղբյուրներում հիշատակված Թիլ-Գարիմուի տեղանունները, որոնք ընկած են Հայաստանից մինչև Մելիտիներ,

³³ Նույն տեղում:

³⁴ Նույն տեղում:

³⁵ И. М. Дьяконов. *Угг.* աշխ., էջ 180—181:

³⁶ АВВИУ, № 46, прим. 53.

³⁷ Н. В. Арутюнян, Топонимика Урарту, Ереван, 1985, с. 184.

³⁸ В. Н. Хачатрян, *Угг.* աշխ., էջ 94—96:

առնչվում են հայերի ցեղանուններին: Պարզ է դառնում, որ հենց այստեղ է գտնվել հայ ժողովրդի կազմավորումը սկզբնավորող ցեղերի նախնական բնակավայրը:

Թողարմայի տեղադրության մասին այս կարծիքները ամփոփում և հաստատում է ահագ. Գ. Մարգարյանը: «Թողարմային հարում էր նրա հետ սերտորեն կապված Մալդիան (ասսուր. Մելիգ, ուրարտ. Մելիտեա, անտիկ՝ Մելիտինե, արդի՝ Մալաթիա) Եփրատի արևմտյան ափին: Նախքան հայերին «արամեացիներ» անվանելը հույներն ըստ երևույթին նրանց կոչել են մելիտինացիներ, թերևս հայկական հնագույն պետական կազմակերպություններից («Թողարմայի տուն», «Տուն Թորգոմայ») կենտրոնի անվամբ, պետություն, որի առկայությունը այստեղ ենթադրում է Ի. Դլադոնովը³⁹: Եվ ապա ավելացնում է. «Այսպիսով, վերին Եփրատի հովտի երկրները, սկսած հյուսիսում ընկած Հայաստանից մինչև հարավում ընկած Մելիտինեն, համատարած կերպով առնչվում են հայերի ցեղանուններին: Պարզ է դառնում, որ հենց այստեղ է գտնվել հայ ժողովրդի կազմավորումը սկզբնավորող ցեղերի նախնական բնակավայրը»⁴⁰:

СРЕДНЕВЕКОВЫЕ ИСТОЧНИКИ О ТОРГОМЕ, ТОРГОМАХ, ДОМЕ ТОРГОМОВ

Г. А. ДЖАНОЯН

Р е з ю м е

Согласно данным армянских и грузинских исторических источников, отцом Хайоса, Картлоса, Раноса и родоначальников других кавказских племен являлся Торгом, разделивший свою страну Тогарму—дом Торгома между сыновьями и назначивший правителем над ними Хайка. Хеттские, ассирийские источники свидетельствуют о том, что хеттские и ассирийские цари воевали с Тогармой, захватили ее. Древнееврейские источники, особенно Библия, утверждают, что Тогарма имела торговые сношения с средиземноморским портом. Тир. Исследователи И. Дьяконов, В. Хачатрян и Н. Арутюнян локализируют страну Тогарма в районе с севера Мелитине.

MIDIEVAL SOURCES ABOUT TORGOM, TORGOMS, THE HOUSE OF TORGOMS

G. A. DJANOYAN

S u m m a r y

According to the facts of Armenian and Georgian historical sources, Torgom was the father of Hayos, Kartlos, Ranos and ancestors of other Caucasian tribes, dividing his country Togarmu—house of Torgom into his sons and appointing Halk as the governor above them. Hett, Assyrian sources testify, that Hett and Assyrian kings struggled with Togarma, captured it. Old Jewish sources, especially the Bible, confirm, that Togarma had trade relations with Mediterranean port Tir. The researchers I. Diakonov, V. Khachatrian and N. Harutjunian localize the country Togarma in the region from the North of Melitine.

³⁹ Բ. Ա. Դլադոնով, Գ. Զախոյան, Գ. Մարգարյան, Ուրարտու-Հայաստան, Երևան, 1959, էջ 54:

⁴⁰ Նույն տեղում, էջ 52—54: